



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-532-5/23**

Datum: **06.05.2024. god**

«Agencija za vodno područje rijeke Save» Sarajevo rješavajući po zahtjevu pravnog lica Rudnik mrkog uglja «ZENICA» d.o.o. Zenica za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokalitetu pogona za eksploataciju mrkog uglja «Raspotočje» u naselju Raspotočje, grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu, Rudnik mrkog uglja «ZENICA» d.o.o. Zenica za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokalitetu pogona za eksploataciju mrkog uglja «Raspotočje» u naselju Raspotočje, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja, dostavljenog detaljnog dinamičkog plana i uz sljedeće uslove:
 - 2.1. Da se upotreba i korištenje predmetnog kompleksa pogona «Raspotočje» vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, u skladu sa dostavljenim dinamičkim planom, ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 30.06.2026. godine završe radovi na prikupljanju i tretmanu tehnoloških i ostalih otpadnih voda te ispuštanju prečišćenih voda u Zvečajski (Rudnički) potok odnosno u rijeku Bosnu sa lokaliteta pogona «Raspotočje» u naselju Raspotočje, grad Zenica, a sve prema investiciono-tehničkoj dokumentaciji urađenoj od strane «IPSA INSTITUT» d.o.o. Sarajevo, mart 2019. godine.
 - 2.3. Da se u periodu do 30.06.2024. godine završi postupak pripreme tenderske dokumentacije, procedura objave otvorenog postupka javne nabavke, prikupljanje i evaluacija pristiglih ponuda te konačan odabir izvođača za zemljane, tesarske, betonske, montažne i ostale radove.
 - 2.4. Da se u periodu do 01.07. do 31.12.2024. godine završe aktivnosti nabavke potrebnog materijala i instalacija te započne izvođenje zemljanih, tesarskih, betonskih, montažnih i ostalih radova na sistemu prikupljanja i tretmana otpadnih voda.
 - 2.5. Da se u periodu do 31.03.2025. godine završi postupak pripreme tenderske dokumentacije, procedura objave otvorenog postupka javne nabavke, prikupljanje i evaluacija pristiglih ponuda te konačan odabir najpovoljnijeg ponuđača za nabavku armirano-poliesterskih vodonepropusnih revizionih okana, separatora ulja i masti te uređaja za prečišćavanje sanitarno-fekalnih voda.
 - 2.6. Da se u periodu od 01.04. do 31.07.2025. godine izvrši nabavka, transport i ugradnja armirano-poliesterskih revizionih okana.
 - 2.7. Da se u periodu od 01.08. do 30.11.2025. godine izvrši nabavka, transport i ugradnja tipskog separatora ulja i masti sa by passom i kompletom pripadajuće opreme.
 - 2.8. Da se u periodu od 01.01. do 01.05.2026. godine izvrši nabavka, transport i ugradnja uređaja za biološko prečišćavanje prikupljenih sanitarno-fekalnih voda, sistem SBR tehnologija.

- 2.9. Da se u periodu do 01.05 do 30.06.2026. godine izvrši puštanje u rad kompletnog sistema za prikupljanje i tretman otpadnih voda.
- 2.10. Da korisnik predmetnog pogona, za vrijeme trajanja ove dozvole, a nakon završetka radova predviđenih projektnom dokumentacijom, obezbjeđuje da se tehnološke i ostale otpadne vode sa radnih i manipulativnih površina nesmetano sakupljaju i odvođe do objekta predviđenih za tretman (separator masti i ulja), a zatim ovako tretirane vode ispuštaju u Zvečajski (Rudnički) potok odnosno u rijeku Bosnu.
- 2.11. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine a drugi put najkasnije do 30.06.2025. godine na obrascu iz Priloga B navedene Uredbe.
- 2.12. Da se usvojenim tehničkim rješenjima iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent na oba mjerna mjesta ostanu u maksimalno dopuštenim granicama definisanim u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24).
- 2.13. Objekte kako postojeće, tako i one koji će se, nakon realizacije predviđenih radova, koristiti u svrhu prikupljanja, odvodnje i tretmana otpadnih voda nastalih u krugu pogona (kanalizaciona mreža, slivničke rešetke, vodosabirnici, separator ulja i masti...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
- 2.14. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
- 2.15. Materijal iskopan u toku izvođenja radova na izgradnji sistema za prikupljanje, prečišćavanje i ispuštanje prečišćenih otpadnih voda, talog iz separatora kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
- 2.16. Način ugradnje separatora ulja i masti te stavljanje istih u funkciju uskladiti sa proizvođačem opreme u svim fazama.
- 2.17. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenom talogu iz istog.
- 2.18. Da se obezbijedi siguran način skladištenja ulja, maziva i eksploziva u natkrivenoj namjenski izgrađenoj prostoriji sa podnom pločom izvedenom od vodonepropusnog betona otpornog na dejstva hemikalija.
- 2.19. Da se na odvodnim cjevovodima, neposredno iza separatora ulja i masti, a prije konačnih ispusta u recipijent – Zvečajski (Rudnički) potok i rijeka Bosna, izvedu posebna reviziona okna koja će služiti kao okna za uzimanje uzoraka (monitoring okna).
- 2.20. Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode.
- 2.21. Da se redovno čiste vodosabirnici od natoloženih ugljevitih i kamenih sitnih čestica te da se redovno postavljaju i čiste pregrade za odvajanje krupnih frakcija uglja i kamena ispred vodosabirnika.
- 2.22. Da se redovno održavaju pumpne stanice u pogonu «Raspotočje».
- 2.23. Nakon izgradnje svih objekata za prikupljanje i tretman tehnoloških i drugih otpadnih voda obuhvaćenih projektnom dokumentacijom i dinamičkim planom Investitor je u obavezi da uradi Projekat izvedenog stanja odvodnje i tretmana otpadnih voda cijelog kompleksa pogona «Raspotočje» i isti priloži prilikom podnošenja zahtjeva za izdavanje nove vodne dozvole.

- 2.24. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
- 2.25. Vlasnik odnosno korisnik pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim mjestima ispusta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24). Rezultate analiza dostaviti ovoj Agenciji.
- 2.26. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.27. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik pogona je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), na osnovu utvrđenog stepena zagađenja ispuštenih otpadnih voda izraženog preko broja EBS-a (ispitivanje urađeno od strane ovlaštene laboratorije) obavezan je, za utvrđeni broj EBS-a prema rezultatima ispitivanja, plaćati posebnu vodnu naknadu za zaštitu voda.
4. U periodu važenja ove dozvole, vlasnik odnosno korisnik pogona je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog pogona obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu i radnom prostoru obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine, uz uslov da se aktivnosti obuhvaćene tačkom 2. dispozitiva rješenja u cjelosti poštuju.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, Rudnik mrkog uglja «ZENICA» d.o.o. Zenica podnijelo je ovoj Agenciji dana 24.11.2023. godine zahtjev za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokalitetu pogona za eksploataciju mrkog uglja «Raspotočje» lociranom u naselju Raspotočje na parcelama označenim kao k.č. broj: 637/1 i 637/2 K.O. Raspotočje, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-23-000121 izdatog dana 13.02.2023. godine od strane Općinskog suda u Zenici,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6209-2/20 izdatog dana 09.12.2020. godine od strane Uprave za indirektno-neizravno oporezivanje Banja Luka,
- Ovjerena kopija Uvjerenja o registraciji poreznog obveznika izdatog dana 14.10.2020. godine od strane Porezne uprave Federacije BiH – Kantonalni porezni ured Zenica,
- Kopija Rješenja o vodnoj dozvoli broj: UP-I/25-3-40-017-5/19 izdatog dana 22.04.2019. godine od strane «Agencije za vodno područje rijeke Save» Sarajevo,
- Kopija Rješenja o obnovljenoj okolišnoj dozvoli broj: UP-I 05/2-23-11-2/18 SN izdatog dana 08.03.2018. godine od strane Federalnog ministarstva okoliša i turizma Sarajevo,
- Izvještaji o monitoringu kvaliteta i kvantiteta otpadnih voda RMU «Zenica» d.o.o. Zenica – pogon «Raspotočje» broj: 1649/22 od 12.12.2022. godine, broj: 41/23 od 16.01.2023. godine i broj: 1316/23 od 19.09.2023. godine urađeni od strane «Inspekt-RGH» d.o.o. Sarajevo,
- Izvještaj o rezultatima ispitivanja tereta zagađenja otpadnih voda za RMU «Zenica» d.o.o. Zenica – pogon «Raspotočje» izraženog preko EBS-a, broj: 35/22, decembar 2022. godine, urađen od strane «Inspekt-RGH» d.o.o. Sarajevo,
- Glavni projekat za odvodnju i tretman tehnoloških, sanitarno-fekalnih i oborinskih voda pogona «Raspotočje» urađen od strane «IPSA INSTITUT» d.o.o. Sarajevo, mart 2019. - na uvid,
- Ovjeren Detaljan Dinamički plan sa aktivnostima, finansijskom procjenom i rokovima realizacije za 2024., 2025. i 2026. godinu za izgradnju i puštanje u rad sistema za prikupljanje, tretman i ispuštanje tehnoloških otpadnih voda kompleksa RMU «ZENICA» d.o.o. Zenica – pogon «Raspotočje» sa Obrazloženjem za nepostupanje po obavezama iz dispozitiva starog rješenja o vodnoj dozvoli (dopis broj: 4826/2024 od 05.04.2024. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog lokaliteta pogona u naselju Raspotočje, grad Zenica i tom prilikom je sačinjen Zapisnik o uviđaju broj: UP-1/21-3-40-532-2/23 od 06.03.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Eksploataciono polje «Raspotočje-Drivuša» nalazi se u naselju Raspotočje, grad Zenica i zauzima površinu od oko 480ha. Unutar granica eksploatacionog polja «Raspotočje-Drivuša» vrši se kontinuirana eksploatacija mineralne sirovine mrkog uglja različite granulacije, podzemno u jami «Raspotočje», prema odobrenim rudarskim projektima i dozvolama. Sa pogonske klasirnice rovni ugalj se transportuje na pogon «Separacija».

Snabdijevanje pitkom vodom za potrebe uposlenih se vrši priključkom na gradski vodovodni sistem koji je u nadležnosti JP «Vodovod i kanalizacija» d.o.o. Zenica. Sanitarno-fekalne vode iz sanitarnih blokova se prikupljaju zasebnim kanalizacionim sistemom te ispuštaju u septičku jamu.

Tehnološke otpadne vode na predmetnoj lokaciji nastaju u jami kao procjedne otpadne vode. Odvodnja podzemnih voda iz pogona «Raspotočje» vrši se iz dva osnovna vodosabirnika. U vodosabirniku na nivou 182,0m.n.v. (kapaciteta 2.100m³) instalirane su pumpe kapaciteta 2500l/min odakle se prepumpavaju vode koje se gravitaciono sakupljaju iz prostorija otvaranja te dijela starih radova VI tektonske terase i kroz ventilacioni iskop se izbacuje na površinu. Ove vode se koriste kao tehnološke vode u sistemu za zamuljivanje ili se kad sistem zamuljivanja nije u funkciji, izbacuju na površinu.

odvode podzemnim cjevovodom kroz sjeverni dio industrijskog kruga a potom ispuštaju u rijeku Bosnu (mjerno mjesto E₂).

Voda iz produktivnog i ostalih dijelova jame prebacuju se pumpama u drugi vodosabirnik na nivou - 2,90m.n.v. (kapaciteta 2.000m³) gdje je instalirana pumpa kapaciteta 2900l/min. Vode iz ovog vodosabirnika se izbacuje preko izvoznog okna i dalje odvode podzemnim cjevovodom u Zvečajski (Rudnički) potok koji se potom ulijeva u rijeku Bosnu (mjerno mjesto E₁).

Onečišćene oborinske vode sa radnih i skladišnih površina i platoa sa istočne strane južnog dijela pogona «Raspotočje» se preko slivnih rešetki prikupljaju i odvode u putni odvodni kanal (regionalni put Zenica-Lašvanska petlja) dok se onečišćene oborinske vode sa radnih površina zapadne strane južnog dijela pogona ispuštaju u Zvečajski (Rudnički) potok.

Skladištenje starog ulja i maziva se vrši u metalnim bačvama u posebnom natkrivenom objektu.

Monitoring otpadnih voda se vrši 12 puta/god (mjerno mjesto E₁-ispust u Zvečajski (Rudnički) potok i mjerno mjesto E₂-ispust u rijeku Bosnu). Prema podacima iz dostavljenih Izvještaja o rezultatima ispitivanja kvaliteta (monitoring) otpadnih voda za decembar 2022. godine, januar i septembar 2023. godine nisu utvrđena prekoračenja MDK definisanih Uredbom.

Prema dostavljenom Izvještaju o rezultatima ispitivanja tereta zagađenja otpadnih voda izraženog preko EBS-a urađenom u decembru 2022. godine, ukupan teret zagađenja otpadnih voda izražen kao ekvivalentni broj stanovnika EBS=2654,04 ES-a.

U dostavljenoj projektnoj dokumentaciji (Glavni projekat za odvodnju i tretman tehnoloških, sanitarno-fekalnih i oborinskih voda pogona Raspotočje, mart 2019. godine urađen od strane «IPSA INSTITUT» d.o.o. Sarajevo) zasebno su analizirani sistemi za separatno prikupljanje, odvodnju, tretman tehnoloških, sanitarno fekalnih i ostalih otpadnih voda te ispuštanje prečišćenih voda u recipijente.

Projektom je predviđen kanalizacioni sistem kojim bi se sanitarno fekalne vode iz kupatila i toaleta za uposlene prikupljale te odvele na tretman u SBR uređaj sa prelivom u Zvečajski (Rudnički) potok. Tehnološke i onečišćene oborinske voda sa radnih platoa i parking površina bi se prikupljale sistemom slivnika i slivničkih linijskih rešetki i odvele na tretman u separator ulja i masti sa koalescentnim filterom (S150 bp 15). Krajnji ispušt prečišćenih voda preko okna za monitoring je u potok koji se dalje ulijeva u rijeku Bosnu.

Za predmetni pogon RMU «ZENICA» d.o.o. Zenica je u ranijem postupku, dana 22.04.2019. godine, od strane ove Agencije doneseno Rješenje o vodnoj dozvoli broj: UP-1/25-3-40-017-5/19 sa rokom važenja do 19.12.2023. godine. Navedeno Rješenje o vodnoj dozvoli izdato je u skladu sa članom 13. stav (5) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 101/15, 1/16 i 101/18) uz uslov da se realizuju aktivnosti iz dinamičkog plana obuhvaćene tačkom 3.2. dispozitiva navedenog rješenja.

Prilikom uviđaja na terenu utvrđeno je da aktivnosti i rokovi navedeni u dinamičkom planu a odnose na izvođenje radova po Glavnom projektu za odvodnju i tretman tehnoloških, sanitarno-fekalnih i oborinskih voda pogona Raspotočje, mart 2019. godine i Glavnom projektu vanjskog uređenja za pogone Stara jama, Raspotočje i Stranjani - RMU Zenica – Sveska 2 Pogon Raspotočje, decembar 2018. godine urađenim od strane «IPSA INSTITUT» d.o.o. Sarajevo, (br. ug: 8350/18 i 8431/18), a koji su dati kroz uslove Rješenja, nisu ispunjeni.

Od ponosioca zahtjeva je u skladu sa članom 1. stav (1), (3) i (4) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24) dopisom broj: UP-1/21-3-40-532-3/23 od 12.03.2024. godine zatraženo da dostavi detaljan dinamički plan koji treba da sadrži:

- Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje onečišćenih otpadnih voda na obrascu iz Priloga A ove Uredbe, razrađen po godinama i mjesecima sa konačnim rokom realizacije najkasnije do roka 30.06.2026. godine.

Dana 09.04.2024. godine dostavljen je akt broj: 4826/2024 od 05.04.2024. godine sa prilogom dinamičkog plana na obrascu iz Priloga A Uredbe i Obrazloženjem za nepostupanje po obavezama iz dispozitiva starog rješenja o vodnoj dozvoli.

U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje tehnoloških otpadnih voda na

lokaciji pogona «Raspotočje» RMU «ZENICA» d.o.o. Zenica za period od aprila 2024. do juna 2026. godine. Aktivnosti i rokovi iz dinamičkog plana su propisani u dispozitivu ovog Rješenja.

Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju radova predviđenih dostavljenom projektnom dokumentacijom (Glavni projekat za odvodnju i tretman tehnoloških, sanitarno-fekalnih i oborinskih voda pogona «Raspotočje» urađen od strane «IPSA INSTITUT» d.o.o. Sarajevo, mart 2019. godine) je 30.06.2026. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 2.3. do 2.9. dispozitiva.

Na osnovu dostavljene dokumentacije, uviđaja izvršenog na predmetnoj lokaciji i dostavljenog dinamičkog plana, u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog pogona za eksploataciju uglja u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Rudnik mrkog uglja «ZENICA» d.o.o. Zenica ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokalitetu pogona za eksploataciju mrkog uglja «Raspotočje» u naselju Raspotočje, grad Zenica te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje
vodnih akata



Haris Ališehović, dipl.ing.građ.

Dostaviti:

- RMU «ZENICA» d.o.o. Zenica
ul. Stjepana Radića br 2, 72000 Zenica
- AVP Sava, ISV – Vodna knjiga
- Sektor 50
- ⊖ Sektor 40 - arhiva
- Oglasna ploča - AVP Sava